

Revüü passeet: Aarh hongert Joor Doßem

=====  
Et es jedon! - e janz Dörp hät mötjeschpelt, hät op-  
on avjeboot, jeschtalpt, jedanzt, jesoope on jesonge,  
on hät Böker on Kaate verkleopt. Halve Nejte hant se  
sesch öm de Uure jehoue. Dat dä eene dä angere dobej  
ens op de Teene jetroone hät, dat jehööt dobej wi de  
Zaus bej et Vleesch. -

Dä Sondarh morje schtung dat Dörp so rischtisch Kop.  
Du kons jarnet opkriije, wiivöl dadr op eemol wose,  
wo Doßem es. - On wat hant se al jeschwaat van et  
vreje Lääve op et Lank, van Nöberschaf, van KÜÜ on  
Bouze, van Värkes on Pääd, van Tut on vam Doßemer  
Doomhotel. - Eene hät däne sojar Honisch öm dr Baat  
jeschmeert von wäjes de feine Doßemer Aat on dat fei-  
ne Jedöons öm die feine Lüt van Jrepswalt on van Pesch.  
Jajong, di wore al plat on kose et net bejriipe, dat  
se so op et Tablätsche jebüürt woote. Et woor als wi em  
Kino. - On dan dat Üürke van di Kapél. Dat woor ene  
Buhej! Os Wärkeldaarhs-Rentner sint doður bekänt je-  
woode. Wi di dat noo breets twentisch Joor wijer ant  
Loope jekräje hant, kriije di nou van röm on töm, woo  
de Uure shton jebileve sint, kriije di Pos, ov di Heere  
ens so nät wüüre on wen se ens noo di Kerke-Uur kiike  
köse, on di leep net miir, on ov se se ens repariire  
köse. sojät kömp van sojät!

Äver di Doßemer hant rischtisch op dä Bäär jehoue; net,  
dat di et Värke avjejoove heje, nää, di deje dat möt di  
Tradizion: möt dä bekände Doßemer Wenk. Janz Doßem, on  
halv Büesekoove, van Schtrömp, van Lotem, van Lank  
koome se kiike, di janze Länkter Faar woor doo, sojar  
van Oppum on Üöding koome se aan. Sovöl fein Volk op  
eene Hoop hat Doßem al lang net miir jesén. - On dan  
di Baselümkes, di bonkte Jüpkes, di petitliche Kami-  
söölsches, on bej enkelte Vrolet, di net so völ em Kaas  
hade, bej däne koom et näke Väl eruut. Do soos du jät!  
On ales janz fүүrneem en Schloß Pesch, wi sesch dat  
jehööt. Äver ene janze Hoop Lüt koom jaarnet möt, möt  
dat Plat vam Schtök. Di eene wose sesch vör Larhe net  
tu halde, on di angere soote dotösche on hant orh je-  
larht on jeklatscht, wen se orh net wose, woröm.

Wää do al duur de Täng jetroke wode es! di janze komenaale Bajaasch, vörop dä Bøjemiistr, di krääje se över dr Sak, on di bekände Heere kräje örntlich dr Deskamp jelääse. Dat dej ens so reschtisch joot. On dat Fesbook, dat dä Heimatkreis jeschreeve hät, dat jeng vot wi jeschneene Broot. Eene van os hät vör sine eejene kop bereets hongert Schtök onger de Lüt jebrejt, on een Vrau es sojar van DÜür te DÜür jeloop on hät Schtöker arhisch vrklopt.

On dan koom dä Sondarh Morje möt di - Ortsbejeung saare se dovüür. Dä Schtäär schtong joot on brände möt över dreßisch Jraat eronger, on Schtöker voffzisch Lüt koome tusaame - meschtens Nöjbörjer, öm ens tu hüüre, wat dä Mönks Karl däne tu vrtäle hat. Et jeng vam Klätsche hof. noo de Kapäl on wijer över Jrepswalt noom Döörp turök. Di jroote höf woote net uutjelooote. On Karl hät vrtält, dä hööde jarnet miir op, on di Lüt hant Uure, Naas on Monk opjeschpirt. Mr kös doo-dröver norh en Book schriive.

Hengenoo hät de Schtat dan di K1 an ooßem vrbee jelejt, domöt dat di ärm Lüt noo dat janze Jedööns wijer röisch schloope köne. Et koome nou kin Autos miir, kin Mopets, kin Faaräer, di ooßemer schtüürt ke Mensch miir; dovüür hant di jez janze wat Nöjes: ija, di dont jez janze onscheneert op de Schtroot Kafe drenke! On dat sal wal solang dÜüre, bös dat di nünhongert on duusent joor fiire köne. Di weete nou al, wi sojät jemäkt wöt, weil dat die weete, wi dat aarhhongert jöörije Jank jehat hät.

Dat Schönsde woor, dat dat al oone Faselooovesbuhej avjeloop es, et joov kin Büt, kene Zorh, kin Waarels, kine Pejas, kine Schabau on kin Helau. On et woor äver schön. - -

1991 köse di Neeschter aarhhongertföfontwentsch (wen se dat lääse kans, dan kanse Plat!) - köse di fiire, wen se wole. Äver ov se dat wole, dat weet bös jez ke Mensch ...

No dan, bös et nääkste Kiir!